



José Miguel de Barandiaran
Fundazioa ■ Fundación

Pedro Asua, 2-2 (60.bulegoa) 01008 Vitoria-Gasteiz Tel: 945 14 30 66
email: gasteiz@barandiaranfundazioa.eus www.barandiaranfundazioa.eus

Jose Miguel de Barandiaran Ikerketa Beka 2020

Eusko Ikaskuntzak, On Jose Migel de Barandiarani 1979. urtean egin zitzaion omenaldia zela eta, urteroko Ikerketa Beka sortzea erabaki zuen, omenaldia bera Barandiaranen ikerkuntza lanaren jarraipenean islada zedin.

Gaur egun Beka honela izendatzen da: **"Barandiaran Fundazioa: Jose Miguel de Barandiaran ikerketa beka"**.

Euskal Herriko arkeologia eta etnologia dira bekaren ikerketa gaiak, txandakako ordenan, diziplina horietaz arduratu baitzen gehienbat On Jose Migel Barandiaran.

Gaia

2019an egiten den deialdiak (Barandiaran Beka 2020) Euskal Herriko **Arkeologia** gaia lantzea du helburu nagusi. On Jose Miguel Barandiaranek urte asko eman zituen zientzietako diziplina hau lantzen, eta haren itzala oso luzea da Euskal Herriko indusketa arkeologikoen munduan.

Soilik argitaratu gabeko lanak eta izaera propioa dutenak finantzatu ahal izango dira, eta ez neurri handiagoko beste proiekturen baten zati direnak, ezta bestelako finantziatorik dutenak ere. Batez ere, **gaiaren berritasuna izango du gogoan epai mahaiak**.

Epaimahaiak Beka hau esleitu gabe utz dezake, baldin eta epaimahai horren irizpidearen arabera aurkezturiko proiektuek ez badituzte behar adinako baldintzak eta bermeak eskaintzen.

Hautagaiak

Beka honetara bai norbanakoak, bai hartarako eraturiko lantaldeak ere aurkeztu ahal izango dira. Bigarrenen kasuan, proiektuaren arduradun-zuzendari batek ordezkatzeko du lantaldea.

Beka honetara Euskal Herrian zein Euskal Herritik kanpo bizi diren eta euskal kulturaren alor horietan lanean ari diren pertsonak aurkeztu ahal izango dituzte euren lanak.

Jose Miguel de Barandiaran Fundazioak **bultzada** eman nahi die **ikertzaile gazteei zein hasiberriei**. Ondorioz, Barandiaran Ikerketa Bekaren deialdi honetan kontuan hartuko den ezaugarria da.

Bekaren emate-baldintzak ez betetzeak edo aurreko deialdiren bati dagokion lana amaiturik entregatu ez izanak eskabide horien arduraduna desgaitzen du hurrengo beketan aurkezteko, egoera argitu bitartean.



José Miguel de Barandiaran
Fundazioa ■ Fundación

Pedro Asua, 2-2 (60.bulegoa) 01008 Vitoria-Gasteiz Tel: 945 14 30 66
email: gasteiz@barandiaranfundazioa.eus www.barandiaranfundazioa.eus

Iraupena

Beka honek urtebeteko iraupena izango du eta ez du luzapenik izango.

Zuzkidura

Bekaren zuzkidura 10.000 eurotakoa izango da.

Sortzapenak

- 2020ko urtarrilaren 15ean: % 25.
- 2020ko uztailaren 15ean, lehenengo txostena entregatzerakoan, % 25.
- 2020ko abenduaren 15ean (behin azken txosten eta lan osoa entregatu eta epaimahaiak ontzat eman ondoren): % 50.

Dokumentazioa

Hautagaiak ondoren adierazten den dokumentazioa igorri behar dute Jose Miguel de Barandiaran Fundaziora:

- Hautagaiaren eskabidea eta lantaldea izanez gero, taldearen ordezkariarena.
- Hautagaiaren curriculuma arautua eta lantaldea izanez gero, taldekide guztiona, egindako ikasketak, buruturiko jarduera profesionalak, egindako ikerlanak, lorturiko sariak, argitalpenak, etab. azalduko direlarik bertan.
- Eskabide indibiduala denez, eskatzaileak antzeko bekaren edo aginduriko lanen baten onuraz gozatzen ari den agertarazi beharko du.
- **Txosten** zehatza egin beharreko lanari buruz, ondoko puntuok agertarazi beharko dituenak:
 - Lanaren interesgarritasuna
 - Lanaren zabalera
 - Ikerketa epeak
 - Erabili beharreko metodologia
 - Lan guneak
 - Eskumeneko baliabideak
 - Gastuen aurrekontua

Dokumentazioa aurkezteko epeak

Aurreko atalean aurreikusitako dokumentazio guztia, **2019 azaroaren 30** baino lehen, Jose Miguel de Barandiaran Fundazioaren bulegoetara bidali behar da (Pedro Asua kalea 2-2 (60.bulegoa), 01008 Gasteiz) edo gasteiz@barandiaranfundazioa.eus helbidera dokumentu guztiak ongi sinatuta.

Egun berean Postetxean utzitako proiektuak onartuko dira, baldin eta proiektua posta ziurtatuz bidali dela mezu elektronikoz egiaztatzen bada, horretarako Postetxeko egiaztagiria erantsiz. Betebehar hori gabe, bidalketa ez da baliozkoa izango.



José Miguel de Barandiaran
Fundazioa ■ Fundación

Pedro Asua, 2-2 (60.bulegoa) 01008 Vitoria-Gasteiz Tel: 945 14 30 66
email: gasteiz@barandiaranfundazioa.eus www.barandiaranfundazioa.eus

Bekadunen eginbeharrak

Bekaren onarpena idatziz adieraztea, Beka ematen den egunetik 15 eguneko epean, gehienez **2020ko urtarrilaren 15erako**.

Lanaren garapenari buruzko txostenak bidaltzea, deialdiko egitarauaren arabera.

Lehenengo txostena 2020ko martxoaren 31n entregatu beharko du; bigarrena, 2020ko uztailaren 25ean; hirugarrena eta azkena, 2020ko azaroaren 30ean.

Egindako lanei buruzko oharpen, zirriborro, aurrerapen eta emaitzak Jose Miguel de Barandiaran Fundazioaren esku izatea.

Aurreikusitako planari edo ikerketa lantaldearen osaketari dagozkien aldaketak jakinaraztea, halakoak ezin izango baitira egin Jose Miguel de Barandiaran Fundazioaren berariazko baimenik gabe.

Beka amaitzean, amaierako lana euskarri informatikoan eta paperean aurkeztu beharko da. Halaber, Euskarazko, Gaztelaniazko, Frantsesezko eta Ingeleseko laburpen bana eramango du amaierako lanak. Laburpen hori argitaratu ahal izango du Fundazioak, egoki irudituko litzaiokeen euskarrian.

Lanen jabetza

Egileak lanen jabe intelektualak izango dira. Jose Miguel de Barandiaran Fundazioak beretzat hartzen du ikerketa osorik edo zatika argitaratzeko eskubidearen lehentasuna, edozein euskarritan. Kasu horretan, bekadunak uko egiten dio egile-eskubideak kobratzeari.

Jose Miguel de Barandiaran Fundazioak eskubide horren erabilera lanaren behin betiko jasotzetik urte beteko epean adierazi beharko du eta bi urteko epea izango du argitalpena burutzeko. Aldi hori iraganik, egileak lana bere kabuz argitaratzeko ahalmena izango du, beti ere harturiko Beka aipatu beharko duelarik.

Fundazioa argitaratutako material grafiko eta idatzien original edo kopia baten jabea izango da.

Epaimahaia

Jose Miguel de Barandiaran Fundazioak epaimahaia hautatuko du, Beka honi dagokion diziplinako espezialistekin osotua.

Beka-ematearen emaitza dokumentazioak aurkezteko epetik hilabetera ezagutaraziko da, **2019ko abenduaren 31** izanik azken data.

Beka eskuratu ahal izateko eskabidea aurkeztean, pertsona edo talde eskatzaileak epaimahaiaren erabakia onartuko du.



José Miguel de Barandiaran
Fundazioa ■ Fundación

Pedro Asua, 2-2 (60.bulegoa) 01008 Vitoria-Gasteiz Tel: 945 14 30 66
email: gasteiz@barandiaranfundazioa.eus www.barandiaranfundazioa.eus

Gorabeherak

Jose Miguel de Barandiaran Fundazioak Beka bideratzerakoan gerta litezkeen gorabeherak ebatzi ahal izango ditu, ondoko errekursorik gabe, eta laguntza ondoriorik gabe utz dezake, onuradunak aurreko ataletan adierazitako betebeharrak betetzen ez baditu. Ildo beretik, baldintza horiek betetzen ez badira, Jose Miguel de Barandiaran Fundazioak ordainduriko diru kopuruaren itzulera erreklamatu ahal izango du.